

王氏醫存

四



王氏醫存卷十五

固始王燕昌漢皋氏述

汗下相因

表邪初感無汗而大便結者發得汗出大便自利又日久裏熱盛舌苔黃黑大便結而汗不出者下得糞出汗亦自解

虛弱人表證日久勿再散

膏粱人虛弱人感冒十餘日而身熱鼻塞頭疼肢冷痰咳之類未愈者乃氣血鬱滯也但宜宣鬱開滯自愈不可再散

諸證忌用之藥

自胸至頭凡有熱有痰有風有疼等證皆忌用溫補升斂之藥

失血患目患瘡三病皆忌虎骨誤用則病甚

有鬱者忌澁滯熱升之藥內外有疼處者及持戒茹素者同忌

二便有熱者皆忌溫升澁補之藥

大便潤或瀉者忌滑溼下降之藥

滑精夢遺白濁下淋者忌興陽助溼下降之藥

虛人有表邪者於固本藥中略加理氣行滯之品得

微汗邪卽去矣或有積滯惟於消解藥中重用健脾理胃之藥胃氣充食卽化矣

毛孔不閉者忌麻黃川芎羌活荆芥防風紫蘇升麻豆豉細辛藁木甘葛柴胡蔓荊子生薑桂枝一切發汗之藥

小便無熱者忌芒硝木通澤瀉車前篇蓄滑石苡米一切利水之藥

大便不結者忌大黃巴豆二丑三仁蜂蜜菴蓉生地大麥芽一切滑利大腸之藥

口渴者忌茯苓半夏二朮乾薑胡椒桂附吳茱萸黃

著灶心土一切燥津耗液之藥

胸隔飽脹者忌黃精熟地糯米芋頭山藥龍眼肉高麗參黃耆一切橫胸之藥

腹疼者忌滯氣塞胸之藥

瘟瘡與諸瘡異乃由膜原而入腠理故脈亦弦六經皆傳非皆少陽證也若泥用柴胡湯非徒不愈且多誤也

平素後天弱者食少表虛者常自汗裏虛者常便溏及晨瀉及小兒常瀉此等人凡病皆慎用發汗攻下之藥又久病及瀉痢甫愈飲食未加肌肉未豐又患



病者皆慎用汗下

舊日吐血下血尿血痔漏及肝鬱而生上熱諸證業經愈後久之再患他病皆慎用鹿茸故紙胡椒一切燥血生熱之藥

有汗無汗藥誤之害

無汗實證誤用黃耆則熱與痰入腠理而結胸誤用參朮升麻杜仲則結胸大便閉誤用牛膝故紙則尿血誤用五味子則歛邪入肺而咳不愈誤用鉤藤則引邪入經絡而四肢抽搐有汗實證誤用發散則大汗不止誤用溫補則內熱大作誤用攻下則瀉不止



近一門丁感寒愈後冒風誤服桂附參薑內熱大作二日死

虛證用桂附薑防汗脫滑精

虛證用溫補之藥須固其表防汗脫也須固其腎防精滑也蓋桂能舒肝肝舒則疏泄之令行附子能開周身之竅薑能通周身經絡竅開則精易洩經絡通則汗易出

滑精之藥

牛膝引熱下行能滑精山茱萸之核滑精三仁潤下亦能滑精凡左關尺沈盛者若用之須固其精勿溫

補肝腎

牛膝之害

脾溼泄瀉及胞溼尿濁用牛膝則腫腿下部有痰用之則生瘤中氣虛用之則下陷於二便小腸有溼寒用之則爲濁爲淫有溼熱用之則爲淋腎有熱用之則強中孕婦服之則墮胎皆因其性下行也凡性之上行者可悟矣

黃耆之害

六淫病未全愈者誤服黃耆胸膈脹理全然堵實變生諸病久而難愈

咸豐五年四月吾邑顧貳尹室人劉氏產後溼盛
乳少醫人誤用黃耆四兩母雞二隻煮服遂致乳
閉不能飲食身生癢核如拳抓破流血而不疼百
治不愈深秋漸危診得右寸關二脈尙存予藥數
帖二脈不變始悟非脈不全乃黃耆閉塞也用宣
通營衛開發腠理諸劑數日六脈俱見加用滲溼
核漸消次年午節始愈

脾病溼腫及瀉證忌熟地黃

虛腫用金匱腎氣湯虛瀉用真人養臟湯舊例也但
脾乃陰土喜燥惡溼熟地黃最溼脾土常見脾溼之

腫證瀉證而任用熟地黃皆危

人參不宜輕用

人參爲補劑君藥然方書所用乃晉潞上黨所產非
關東與高麗產也獨參湯昔亦黨參今用關東參矣
老人用人參須乘無病時或病愈後耑製服之乃能
有益無損若值有病時用之或助外邪或助內熱痰
滯不消其患大矣

諸藥誤用之害

誤用溫補一經偏強尅其所勝之經而泛溢於別經
誤用攻伐一經偏弱受尅於所不勝而陷鬱於別經

誤用疏泄防散陽氣誤用收瀉防滯陰血

初感風寒早用攻下或誤補皆結胸

病後人嗜酒人誤用攻下但覺心嘈必死

誤用桂附皆多汗多尿誤用杜仲牛膝小便頻大便秘

誤用茯苓半夏澤瀉蒼朮滲溼等藥津液竭而大渴
腸胃無熱或有溼誤用枳實麥芽檳榔厚樸二丑大
黃攻下等藥必大瀉目盲不見人

受風寒者重用白芍不兼解表疎散之藥風寒留於
腠理化熱生嗽誤用五味子斂風寒於肺成久咳若



係肺虛則成癆

凡人易受風者皆肺弱表虛受風之證皆自汗若再發汗是虛其虛也變現肺虛諸證

貽誤難防

病有醫所不及知者如病人相火妄動偶有遺洩眞元暗損於病中矣肝氣妄發突生暴怒邪熱得助於意外矣甚有僞藥亂眞名是而實非求益而轉損或藥不勝病或病不敵藥或一誤再誤而不檢正或將錯就錯而成痼疾或誤服相反或中毒不知甚矣醫之難言也

病有誤於失調養者有誤於事不遂心者有誤於仙方祕方者有誤於巫婆帶藥及針灸送祟者有病入惡藥未服而曰已服歸咎於藥者有不依禁忌致藥無效醫心無主者又有男女隱疾羞不語人但稱小證醫心狐疑者

行腳僧道油嘴巫婆之害

癥瘕諸病由來漸矣患者務求速愈致受僧道巫婆欺害不知彼之秘方秘藥非仙傳也乃采自山野買從藥市如川烏草烏麻黃斑蝥巴豆水銀砒霜火硝硫黃蛇蝎蜈蚣及各毒草惡木等物或大發其汗或

大破其血或亂用刀割鍼刺使人拚死以倖速愈追其死也病者不知且歸之於命是可歎也

曾見患目者任受刀割臂腿疼者任受百針又癰癰喉疼瘡腫噎食臍脹虛腫心疼小兒驚風疳瘕等病聽其亂針亂割喪命又一虛腫者服甘遂芫花大戟共末一錢頃卽大下虛氣自覺氣陷二日死又屢見痔漏任割隨手敷刀傷藥使不疼神漸委靡數月死又一幼婦經閉五月臍燥如顛臍旁有塊能動巫婆曰血龜也跣拿針揉二日塊下乃一男胎

卷十五終



王氏醫存卷十六

固始王燕昌漢皋氏述

醫只三事曰證曰脈曰藥

證分望聞問望者病之證據見於形色舉止者也
聞者病之證據見於呼吸聲臭者也問者病之證
據現於始末由來者也

切脈分今昔昔脈者先問明平昔無病本脈何象
以此爲準今脈者診得目前脈象比較平昔無病
本脈其有不同者以辨其何病在何經

藥分地性方地者所產何方道何地土較優劣也

性者其性人何臟腑奏何功也方者對證酌量君臣佐使也

論讀醫書

內經皆軒岐君臣問答民病醫藥大備其書重言針灸經絡穴道賴以詳明時無紙筆文字簡括學者玩其詞以師其意便可名世神農本草難經傷寒金匱千金方等書皆醫學正宗下此諸家有得有失只供採摭無須株守也且古人醫書皆其時閱歷之談即所用藥多親手采製道地無差包炙有法不比後人孟浪取諸藥肆也善師古者學其臨證辨病設法立

